

ՄԱՅՐԱՊԱՆՈՒ

ՆԵՐԿԱՅԱՑՎԵՑԻՆ «FIX TBILISI» ՀԱՎԵԼՎԱԾԻ ԳՈՐԾԱՌՈՒՅԹՆԵՐԸ



Թբիլիսիի քաղաքապետ Կախա Կալաձենը ներկայացրեց քաղաքապետարանի նոր հավելվածի՝ Fix Tbilisi-ի գործառնություններն ու հնարավորությունները:

Ֆիքս Թբիլիսի-ն որպես քաղաքապետարանի եւ քաղաքացու միջեւ կապի հատուկ միջոց, ստեղծվել է քաղաքապետարանին մայրաքաղաքի ենթակառուցվածքների վնասների մասին տեղեկացնելու համար:

Հավելվածը միավորում է խնդիրների չորս կատեգորիա՝ ճանապարհային ենթակառուցվածքի վնաս, ծառերի եւ բույսերի վնաս, արտաքին լուսավորության վնաս եւ կայանման ենթակառուցվածքի վնաս:

Քաղաքացին կկարողանա փաստաթղթավորել վնասը, լուսանկարել, նշել հասցեն եւ կցել նկարագրություն:

Նշված տեղեկատվությունը ավտոմատ կերպով տրամադրվում է համապատասխան քաղաքային ծառայությանը, որը կսկսի արձագանքել դիմումին, եւ տեղեկություն տրամադրող քաղաքացին նույն հավելվածի միջոցով կստանա թարմացված տեղեկատվություն խնդրի լուծման փուլի մասին:

- Բազմաթիվ քաղաքացիներ հաշվառված են քաղաքապետարանի տարբեր ծրագրերում, եւ նույն տվյալներով կարող են օգտվել նշված հավելվածից, կարող են նաեւ գրանցվել: Եթե որեւէ վնաս նկատում ենք, մտնում ենք նշված հավելված, ընտրում չորս կատեգորիաներից մեկը, լուսանկարում, նշում ենք հասցեն, ինչպես նաեւ նկարագրության մեջ գրում, թե ինչն է վնասված: Այդ տեղեկատվությունը ուղարկվում է համապատասխան ծառայությանը, որն արագ կարձագանքի, ասաց Կախա Կալաձենը:

Fix Tbilisi հավելվածը կարելի է ներբեռնել google playstore-ից կամ appstore-ից:

«Ա» ԿԱՏԵԳՈՐԻԱՅԻ ՏԱՔՍԻՆԵՐԸ ԿՏԵՂԱՇԱՐԺՎԵՆ ԱՎՏՈՐՈՒՄԻ ԳՈՏՈՎ ՏԱՔՍԻՆԵՐԻՆ ԿՏՐԱՄԱՐԿՎԵՆ ԲՐԵՆՂԱՅԻՆ ՈՐ ԿՈՂԵՐ

Ինչպես հայտարարեց մայրաքաղաքի քաղաքապետ Կախա Կալաձենը, մայիսի 22-ից քաղաքապետարանի սպասարկման կենտրոններում «Ա» կարգի տաքսու վարորդները, որոնց տրամապորտային միջոցների տարիքը չի գերազանցում 10 տարին, կստանան կաշուն պիտակ:

- Բացի այդ, այս կաշուն պիտակով տաքսիները հունիսի 1-ից իրավունք կունենան երթելու ավտոբուսի գոտում: Տաքսու վարորդները կարող են կաշուն պիտակներ ձեռք բերել քաղաքապետարանի սպասարկման կենտրոններում: Այն կփակցվի տաքսու դիմապակու վերեւի աջ անկյունում, ասաց Կախա Կալաձենը:

Նրա խոսքով, «Ա» կատեգորիայի վճարման կարգին, Թբիլիսիի քաղաքապետը խոսեց «Ա» կատեգորիայի տաքսու վարորդներին առաջարկվող QR կոդով վճարման նորարարական ծառայության մասին եւ շահագրգիռ տաքսու վարորդներին տեղեկատվություն տրամադրեց ծառայությունից օգտվելու մանրամասների մասին:

Նրա խոսքով, «Ա» կատեգորիայի տաքսիստները մայիսի 22-ից կկարողանան օգտվել ուղեվարձի վճարումը պարզեցնելու համար առաջարկվող ծառայությունից, եթե ցանկանան:

«Ա» կատեգորիայի տաքսիստները հնարավորություն ունեն ստանալ QR կոդ, որը շատ հարմար է ինչպես վարորդի, այնպես էլ՝ ուղեւորի համար: Մարդը կարող է այդ պահին ձեռքի տակ գումար չունենալ եւ այդ պահին հեշտությամբ վճարել քարտի QR կոդի միջոցով: Տաքսու վարորդն անմիջապես գումարը կստանա իր բանկային հաշվի միջոցով, ասաց Կախա Կալաձենը:

Ստեղծագործել է դեռեւս դպրոցական տարիներից: Նրա բանաստեղծությունները տպագրվել են Նիմոծմինդայի շրջանային «Արշալույս» եւ Հայաստանի «Պիոներ կանչ» թերթերում: Ապրում եւ ստեղծագործում է հարազատ շեշտայում: Ամուսնացած է, ունի չորս զավակ:

ՆՈՐ ԳԻՐՔ

«ԱՆՑՅԱԼԸ, ԻՐՈՔ, ՀՈՒՇ Է»

Սամցխե-Ջավախեթիի Նիմոծմինդայի մունիցիպալիտետը հայտնի է իր ստեղծագործող մարդկանցով՝ վաղամեռիկ Վիկտոր Հովսեփյան (Շեշտիա), Վրաստանի հայ գրողների «Վերնատուն» միության նախկին նախագահ, լուսահոգի ժողա (Գեւորգ) Սմիլյան (Նիմոծմինդա), Ալբերտ Իսոյան (Սաթիա), Հովհաննես Մարիկյան (Շեշտիա), ուրիշներ: Շեշտիա գյուղից է նաեւ գրքի հեղինակ Սոնյա Սամայան-Փնջոյանը:

Սոնյան 65 տարեկան է, ծնվել է Բոգդանովկայի շրջանի Շեշտիա գյուղում: Սովորել է ավարտել է տեղի միջնակարգ դպրոցը, ապա՝ նաեւ Լեւոնիմականի (այժմ՝ Գյումրի) Հացիկի գյուղատնտեսական տեխնիկումը: Ավարտելուց հետո, վերադարձել է հայրենի գյուղ եւ աշխատել ծննդավայրի տրիկոտաժի ֆաբրիկայում:


Ստեղծագործել է դեռեւս դպրոցական տարիներից: Նրա բանաստեղծությունները տպագրվել են Նիմոծմինդայի շրջանային «Արշալույս» եւ Հայաստանի «Պիոներ կանչ» թերթերում: Ապրում եւ ստեղծագործում է հարազատ շեշտայում: Ամուսնացած է, ունի չորս զավակ:

Այս տարի Թբիլիսիում լույս տեսավ Սոնյա Սամայան-Փնջոյանի «Անցյալը, իրոք, հուշ է» բանաստեղծությունների ժողովածուն, որը նրա առաջին գիրքն է: Նրանում զետեղված բանաստեղծություններում արտահայտված է նրա անսահման սերը հայրենի եզերքի, ծննդավայր Շեշտիայի, զավակների, մոր հանդեպ՝ անսահման սիրտ ու նվիրվածության, ամուսնուն հավատարիմ կնոջ գաղափարը:

«Անցյալը, իրոք, հուշ է» ժողովածուն խմբագրել է հեշտի-



ացի բանաստեղծ Հովհաննես Մարիկյանը: Նշենք նաեւ, որ գիրքը ռուսերեն թարգմանել է թբիլիսահայ ռուսագիր գրող, բանաստեղծուհի,



թարգմանչուհի Մարինա Մոսետովա-Կիրակոսյանը:

Տիկին Սոնյան իր երախտագիտությունն է հայտնում Գարիկ Ջոբյանին, եղբայրներ Արմեն եւ Գեւորգ Պիջոյաններին ու Սամվել Մարկոսյանին գրքի տպագրության հովանավորության եւ աջակցության համար:

Շնորհավորենք տիկին Սոնյա Սամայանին նրա առաջին գրքի լույսընծայման համար՝ ցանկանալով նրան քաջառողջություն, երկար տարիների կյանք, բեղուն գրիչ:

ԱՆՆԱ ՍԱՐԻԲԵԿՅԱՆ

ՄԱՐԶԱԿԱՆ



ԻԼԻԱ ԽԻՊԱՇՎԻԼԻ. «ՊԱՏԱՆԻ ՖՈՒՏԲՈՒՍՏՆԵՐԻ ՄԱՐԶԱՆ ԱՌԱՋԱՐԿՎՈՂ ՄԵԹՈԴԻԿԱՅԻ ԴՐԱԿԱՆ ԱՐԴՅՈՒՆՔԸ ԿԱՍԿԱԾ ԶԻ ՀԱՐՈՒՅՈՒՄ»

Թբիլիսիի, Վրաստանի ֆուտբոլի վաստակավոր մարզիչ Իլիա Խիպաշվիլու անունը քաջ հայտնի է Վրաստանի ու Հայաստանի մարզական շրջաններում: Միջազգային կոմիտեի հովանու ներքո, նա գլխավորում է իր իսկ կողմից հիմնած Վրաստանի կույր ու թույլ տեսողությամբ ֆուտբոլիստների ֆեդերացիան եւ համակարգում Հայաստանի համապատասխան կազմակերպությունը:

Վերջերս Իլիա Խիպաշվիլին հաջողությամբ պաշտպանեց դոկտորական ատենախոսությունը՝ «Երիտասարդ ֆուտբոլիստների պատրաստման գործում համակարգչային տեխնոլոգիաների օգտագործումը» թեմայով: Ատենախոսությունը երեւանյան գործընկերների հետ բազմամյա գիտագործնական համագործակցության արդյունք էր: Թեեւ միայն դա չէ, որ Իլիա Խիպաշվիլին կապում է նաեւ հարեւան բարեկամական երկրի հետ: 2003 թվականից սկսած՝ նա մարզում է թբիլիսյան ֆուտբոլային թիմերը Հայաստանի համահայկական խաղերին մասնակցելու համար: Այդ թիմերը մարզելու հրավերը նա ստացավ իր մանկության ընկեր, Թբիլիսիի Սերբերյանցայա փողոցի հարեւան տանը բնակվող արժանահիշատակ Գուրգեն Հեյրանովից, ով գլխավորում էր Համահայկական խաղերին մասնակցելու համար Վրաստանի մարզական պատվիրակությունները:

Սերը սպորտի նկատմամբ Իլիային ներարկել էր մայրը՝ Մարգարիտա Մուրադյանը: Նա երիտասարդ տարիներին զբաղվում էր թեթեւ աթլետիկայով: Մոր ուղիով ընթացավ նաեւ ավագ դուստր Մարինան՝ սպորտետրական վազքի (սպրինտում) Վրաստանի չեմպիոնուհին: Պատանի Իլիան մասնակցում էր «Կաշվե գնդակ» համամիութենական մրցաշարին, որից հետո շնորհալի պատանուն վերցրեցին Թբիլիսիի «Ավազա» օլիմպիական ռեզերվի ֆուտբոլի դպրոց: Այն գլխավորում էր վրացա-

կան ֆուտբոլի լեգենդ Միխեիլ Մեսխին: Հենց նրա խորհրդով էլ, Իլիան որոշեց դառնալ հարձակվող եւ անհատական մարզումների համար նրան կցեցին մարզիչ Վիլի Գոգիչաիշվիլին: Գպրոցն ավարտելուց հետո, Իլիան սկսեց խաղալ Բուլնիսիի «Մադնուլի» թիմում, որը մասնակցում էր Վրաստանի ֆուտբոլի առաջնությանը: Կարճ ժամանակ անց, նրան հրավիրեցին Ուզբեկստանի գլխավոր թիմ՝ «Պախտակոր»։ Չնայած, ելնելով ընտանեկան հանգամանքներից՝ նա ստիպված էր վերադառնալ Թբիլիսի: Ընդունվեց Վրաստանի ֆիզկուլտուրայի եւ սպորտի պետական ինստիտուտ, խաղում էր տեղի «Ֆիսա» ֆուտբոլային թիմում: Փաստորեն, խորհրդային Միության երիտասարդական առաջնություն հանդիսացող համամիութենական ունիվերսիադայում թիմը դարձավ չեմպիոն: Այն ժամանակ թիմը մարզում էին Ավթանդիլ Ճուրախեւիլին եւ Ասատուր Ղուկասյանը: Ավելի ուշ, Իլիան սկսեց խաղալ Թբիլիսիի «Լոկոմոտիվում», հենց այդ ժամանակ էլ ծագեց առաջիկա մասնագիտական առաջընթացի համար պատանի երիտասարդների ընտրության գիտական մեթոդով զբաղվելու ցանկությունը: Այդ գաղափարը վերջնականապես ամրապնդվեց Գերմանիայում, մարզական սեմինարների ժամանակ: Իր ընկերոջ, մարզական բժիշկ, ֆիզիկա-մաթեմատիկական գիտությունների դոկտոր Ալեքսանդր Ենգոյանի հետ միասին, մշակեց պատանի մարզիկների թեստավորման հատուկ հարցաթերթիկ: Իլիան մշակեց պատանի մարզիկների ֆիզիկական ու հոգեբանական դիմացկունության բացահայտման, ռեակցիայի արագու-

թյան, մարզադաշտում կողմնորոշման վարժությունների հատուկ համալիր: Վրաստանում մարզական բարձրագույն կրթության համակարգում իրականացվող բազմաթիվ բարեփոխումների հետեւանքով, Իլիան ստիպված եղավ մեկնել Երեւան՝ գտնելու ատենախոսության շուրջ աշխատանքի ավարտման գիտական ղեկավարներին: Երեւանի մանկավարժական ինստիտուտի հատուկ մանկավարժության ամբիոնի վարիչ, պրոֆեսոր Ռոբերտ Ազարյանը պատրաստակամություն հայտնեց դառնալ ատենախոսության գլխավոր փորձագետ: Ինչպես հետո նշեց Իլիա Քիպաշվիլին, այդ գործում նշանակալի դեր կատարեց նաեւ Համահայկական խաղերի վրացական պատվիրակության ղեկավար, «Վրաստան» թերթի գլխավոր խմբագիր Վան Բայրությունի հանձնարարական նամակը: Ատենախոսության գիտական ղեկավարման գործում մեծ օգնություն ցուցաբերեցին Հայաստանի ֆիզիկական մշակույթի եւ սպորտի պետական ինստիտուտի ռեկտոր, պրոֆեսոր Դավիթ Խիթարյանը, ինչպես նաեւ սպորտի տեսության ոլորտի մասնագետներ, պրոֆեսորներ Ելենա Հակոբյանը, Ֆրունզե Ղազարյանը, Աշոտ Ղազարյանը:

Հարցին, թե որքանով վերոնշյալ ատենախոսությունը կարող է օգնել բարձրացնելու վրաց եւ հայ երիտասարդ ֆուտբոլիստների պատրաստության մակարդակը առավել բարձր արդյունքների հասնելու համար, Իլիա Խիպաշվիլին պատասխանեց միանշանակ.

- Ամեն ինչ կախված է ֆուտբոլային ակումբների ղեկավարների որակավորումից եւ հավակնություններից, տեղի մարզիչներից ու ֆուտբոլիստների ընտրողներից, նրանց ցանկությունից օգտվելու սույն մեթոդիկայից: Ինչ վերաբերում է դրական արդյունքին, ապա դրանում չենք կասկածում: Մեզ մնում է վրաց եւ հայ պատանի ֆուտբոլիստներին հաջողություն մաղթել իրենց վարպետության կատարելագործման գործում:

ԱՐՏԵՄ ԿԻՐԱԿՈՋՈՎ

ՀԱՐՑ - ՊԱՏԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ԿԵՆՑԱՂԱՅԻՆ

ԱՌՈՂՋԱՊԱՀՈՒՅՈՒՄ

ՈՐՆ Է ԻԴԵԱԼԱԿԱՆ ԿՅԱՆՔԻ ՌԵԺԻՄԸ

Գոյություն ունի, արդյոք կենսական այնպիսի կարգ, որի դեպքում սպորտը կարող է ապրելու իդեալական պայմաններ: Հեղափոխություն է ինչպիսիք կլինի իդեալական կյանքի ռեժիմը: Վ. ՀԱՐՈՒԹՅՈՒՆՅԱՆ Բոլնիսի



Հին հնդկական տեքստերում («Այուրվեդա», բառացի՝ «կյանքի գիտելիք») պահպանվել է իդեալական կյանքի հետաքրքիր մի ռեժիմ: Ահա այն:

Առավոտ: Արթնանալ ժամը 5-6-ին (ավելի լավ է՝ ինքնուրույն, առանց կողմնակի ազդեցության), անմիջապես խմել 1 բաժակ գոլ ջուր, մաքրել լեզուն ու ատամները, 5 րոպե կատարել շնչառական ու ֆիզիկական վարժություններ, բերանի խոռչը ողողել ձեթով, ընդունել տաք լոգանք, ուտել թեթև նախաճաշ, կես ժամ զբոսնել:

Կեսօր: Աշխատանք կամ ու-

տում, ճաշ՝ ժամը 12-ին (ուտել ողջ օրվա սննդի կեսից ավելին), ուտելուց հետո 15 րոպե հանգիստ, զբոսանք՝ 20 րոպե: Այնուհետև շարունակել աշխատանքը կամ ուսումը, որից հետո դարձյալ զբոսնել:

Երեկո: Կատարել շնչառական ու ֆիզիկական վարժություններ, որի ավարտից հետո՝ մեղիտացիա, ընթրիք՝ ժամը 18-19-ին (ուտել ճաշին կերածի կեսից քիչ), զբոսանք քնից առաջ, քուն՝ ժամը 22-ին:

Այս ռեժիմին հետևողներն առողջական խնդիրներ չեն ունենում:

ԳԻՏԵՔ, ԱՐԴՅՈՔ...

ՊԱՐԶՎՈՒՄ Է, ՈՐ ՍՈՒՐԵՆ ԷԼ ԿԱՐԵԼԻ Է ՓՈԽԱՐԻՆԵԼ...



Օրն առանց սուրճի չեմ պարկեցնում. «կոֆեոլիկ» եմ դարձել: Օրական 4-5 բաժակը սովորական երեւոյթ է: Փորձում եմ պակասեցնել, բայց չի ստացվում: Չգիտեմ ինչպե՞ս վարվել:

Վ. ՍԵՐՈՐՅԱՆ Բաթումի

Հանրահայտ փաստ է, որ սուրճն իր կազդուրիչ ազդեցությամբ գրավում է այն պահերին, երբ հոգնած մարմինը լիցքավորելու կարիք եւ գգուն: Սակայն, ինչպես ասում են, անփոխարինելիներ չկան: Այնպես որ, երբեմն էլ կարելի է բազմազանություն մտցնել եւ սուրճը փոխարինել այլ ըմպելիքներով: Մասնավորապես, սուրճին կարող է փոխարինել կիտրոնով եւ մեղրով տոնիկը, որը ոչ միայն խթանում է աշխատունակությունը, այլեւ բարենպաստ է ճիհարելու եւ օրգանիզմի դիմադրողականությունը բարձրացնելու առումով:

Սուրճի փոխարեն կարող եք օգտագործել նաեւ մարնջի հյութով կակաոն: Այն ոչ միայն կբարձրացնի ձեր տրամադրությունը, այլեւ կհագեցնի եւ կնպաստի խոլեստերինի քանա-

կի կարգավորմանը:

Ի տարբերություն սուրճի, կոճապղպեղով թեյի խթանիչ ազդեցությունը շատ ավելի երկար է պահպանվում: Կոճապղպեղի բույրը հոգնածությունն անցկացնող եւ տրամադրությունը բարձրացնող հատկություն ունի: Հատկապես օգտակար է մտավոր աշխատանքով զբաղվողների համար:

Սուրճին հիմալի փոխարինող է նաեւ կանաչ թեյը՝ հասնիկով (ժասմին): Այս թեյը նույնպես սուրճի պես բարձրացնում է տոնուսը, քանի որ կոֆեին է պարունակում, սակայն դրա ազդեցությունը մի փոքր ավելի ուշ է վրա հասնում: Կանաչ թեյը նաեւ մեծ քանակությամբ կատեխիններ է պարունակում, որոնք օժտված են մանրէազերծիչ եւ հակաօքսիդացային ազդեցությամբ:

ՀՏԱՔՐՔՐԱՍԵՐԻ ԱՆԿՅՈՒՄ

ՊԱՂՊԱՂԱԿԻ ՊԱՏՄՈՒԹՅՈՒՆԻՑ

Պարզվում է՝ պաղպաղակը շատ հին պատմություն ունի: Դեռեւս մ.թ. 5 հազար տարի առաջ, Չինաստանի կայսրերն ու հարուստները վայելում էին մրգահյութի եւ ձյան խառնուրդով պատրաստված աղանդեր, որին սառույցի կտորներ էին ավելացնում: Այդ բաղադրատոմսերը խիստ գաղտնի էին պահվում եւ փոխանցվում էին սերնդեսերունդ:

Ալեքսանդր Մակեդոնացու համար նույնպես այդպիսի պաղպաղակ էին պատրաստում: Իսկ ձյունն ու սառույցը բերում էին մերձակա սարերից՝ օգտագործելով ստրուկների հերթափոխային աշխատանքը:

Մերձավոր Արեւելքում պաղպաղակն անվանում էին «ձնե շերբեք»: Այն ճանաչված էր նաեւ Հունաստանում ու Հռոմում: Բայց այն ժամանակներում այդ հաճելի աղանդերը հասու էր միայն ընտրյալներին՝ Սողոմոն թագավորին, Ներոն կայսրերը, տարբեր շահերի ու արքաների:



ՀԱՄԱՅԱՆՑ. ԴՐԱԿԱՆ ԵՎ ԲԱՅԱՍԱԿԱՆ ԿՈՂՄԵՐԸ

Այսօր թերեւս ամենարեւելից և պատկերացնել աշխարհն առանց համացանցի: Համացանց տերմինը հայ հասարակության մեջ առավել տարածված ինտերնետ բառի հայերեն համարժեքն է: Եկեք՝ հասկանանք, թե որտեղից սկսվեց այս ամենը, ո՞վ է համաշխարհային մեծ սարդոստայնի հեղինակը:



1970-ական թվականների սկզբին ԱՄՆ պաշտպանության մախարարության տեղեկատվական տեխնոլոգիաների դեպարտամենտը սկսեց զբաղվել կարեւորագույն տվյալների կորստի դեպքում դրանց վերականգնման խնդիրներով: Հետազոտությունները ցույց տվեցին, որ նմանօրինակ խնդրի լուծումը հնարավոր է իրականացնել միայն համակարգչային ցանցեր ստեղծելու միջոցով: Այսինքն, համակարգիչների խմբերն իրար հետ կապված պետք է լինեն, եւ անգամ դրանցից մեկի կորստի դեպքում, ամբողջ սիստեմը կշարունակի աշխատել անխափան:

Ավելի քան 20 տարի պահանջվեց համացանցը ոտքի կանգնեցնելու եւ այսօրվա տեսքին բերելու համար: 1990-ականները նշանավորվեցին համացանցի վերածնունդով: Նոր տեխնոլոգիաների շնորհիվ հնարավոր էր իրականացնել այն, ինչը չէր հաջողվում մարդկությանը երկար տարիներ շարունակ: Այդ գաղափարների համար մարդկությունը պարտական է բիտանացի ակադեմիկոս Թիմ Բերնես-Լիին: Նա է համաշխարհային սարդոստայնի, համացանցի՝ World Wide Web-ի ստեղծողը:

Համացանցը հրաշալի գործիք է բանիմաց, նպատակասլաց ու խելացի մարդկանց ձեռքում: Մուտք գործելով ցանկացած որոնողական համակարգ՝ դուք հնարավորություն եք ստանում ձեռք բերել ձեզ հետաքրքրող ցանկացած ինֆորմացիա: Միլիոնավոր մարդիկ օգտագործում են համացանցը՝ ամեն օր տարբեր նպատակներով: Այն մեր աշխատանքի, առօրյայի, կենցաղի, ուսման անբաժան մասն է:

Մեծ քանակությամբ ինֆորմացիա առաջարկելուց բացի, ինտերնետը հնարավորություն է տալիս մարդկանց շփվել իրար հետ՝ անգամ գտնվելով միմյանցից հազարավոր կիլոմետրերով հեռավորության վրա: Դարեր շարունակ սա երա-

զանք է եղել մարդկության համար:

Իհարկե, ինչպես ցանկացած բան, համացանցը նույնպես ունի բացասական կողմեր:

Համացանցի ստեղծման պահից սկսեցին տարածվել համակարգչի համար վտանգավոր ծրագրերը, այսպես կոչված՝ վիրուսները: Դրանք գողանում են ձեր տվյալները եւ օգտագործում այլ նպատակներով, որոնք կարող են կործանարար հետեւանքներ ունենալ: Վիրուսների տարածումը հիմք հանդիսացավ տեղեկատվական անվտանգության մեխանիզմների զարգացման համար: Վիրուսների դեմ պայքարելու համար, ստեղծվեցին ծրագրեր, որոնք ի գործ են դրանք վերացնել: Համացանցի առաջացրած խնդիրներից մեկը դրանից կախվածությունն է, որն առաջանում է ոչ խելամիտ օգտագործման ժամանակ: Դեռահասության տարիքում, համացանցից կախվածությունը կարող է հանգեցնել ներանձնային խնդիրների, դեպրեսիայի եւ այլ հիվանդագին վիճակների:

Նման խնդիրներից խուսափելու համար, պետք է համացանցն օգտագործել չափի մեջ:

Համացանցն ինֆորմացիայի անսահման աղբյուր է եւ անփոխարինելի մարդկային հասարակության համար, բայց միայն դրա խելամիտ օգտագործումը կարող է բերել մաքսիմալ օգուտի:

Վերջում ցանկանում եմ հորդորել համացանցի բոլոր օգտատերերին՝ դարձրեք համացանցը ձեր գերին՝ հնարավորինս շատ «աշխատեցնելով» եւ ինֆորմացիա կորզելով նրանից, եւ ոչ թե դուք դարձեք նրա գերին՝ անմոռաց տրվելով վերջինիս:

ԻՄԱՍՏՆՈՒԹՅՈՒՄ

ՎԱՅՆԵՐ ՆԵՐԿԱՆ

Մի կին հեռավոր երկրից արեւադարձային հյութեղ մրգեր էր տուն բերել, որ ցուրտ երեկոներին հաճույքով վայելեր: Եվ այդպես նա ամեն օր մի պտուղ էր ուտում՝ ընտրելով այն մեկը, որն արդեն սկսել էր փչանալ:

Երբ զամբյուղը դատարկվեց, կինը հանկարծ գլխի ընկավ, որ ինքն այդպես էլ ոչ մի թարմ միդ չկերավ...

Այդպես է լինում չափազանց հաշվեկատ եւ զգույշ մարդկանց հետ: Նրանք մինչ ծանր ու թեթեւ են անում, կյանքն անդարձ անցնում է նրանց կողքով:

Վայելեք ներկան, քանի որ անցյալն այլեւս չկա, իսկ ապագան անհայտ է:



☺ - Ձրուցում են երկու կին:

- Աղջիկդ ինչպե՞ս է:
- Շատ լավ, ամուսինն ուշադիր է, մուշտակ է գնել, միշտ թանկարժեք ռեստորաններ ու հանգստավայրեր է տանում:
- Իսկ տղա՞դ:
- Մի զգվելի աղջկա հետ է ամուսնացել, խեղճ տղայիս առաջ

ԱՆԵԿԴՈՏՆԵՐ

մուշտակ գնելու, հանգստավայրեր տանելու պահանջ է դնում...
☺ - Սիրելիս, քեզ համար երկու նորություն ունեմ՝ լավ եւ վատ:
- Սկսիր վատից:
- Քո քարտի ողջ գումարը ծախսել եմ, իսկ լավն այն է, որ քեզ

առանց փողի էլ սիրում եմ:
☺ - Ձրուցում են երկու ընկերուհի.

- Լսիր, ինչո՞ւ ես դավաճանում ամուսնուդ, չէ՞ որ ասում ես՝ շատ լավն է, հոգատար...
- Որքան շատ եմ նրան դավաճանում, համոզվում եմ, որ նա ամենալավն ու ամենահոգատարն է:

ԹԵՎԱՎՈՐ ՄՏՔԵՐ

Ամենադաժան բռնակալությունն այն է, որը հանդես է գալիս օրինականության հովանու տակ եւ արդարության դրոշի ներքո:

ՇԱՆՈՒ ՊԵ ՄՈՆՏԵՍԻԵ

Միակ բանը, որն իրականում նշանակություն ունի, այն է, ինչ անում եք աժմ, ժամանակի տվյալ պահին: Միակ բանը, որ կարող է փոխել մեր մտքերը, դա այն է, ինչի մասին դուք մտածում եք հենց հիմա, ժամանակի տվյալ պահին:

ԱՅԼԻՆ ԿԵԴԴԻ

Մեզնից յուրաքանչյուրը հրաշագործ է: Մենք կարող ենք հեշտությամբ թախիծն ուրախության վերածել, անհաջողությունը՝ հաջողության:

կի, իսկ միայնությունն ու հուսահատությունը՝ երջանիկ կյանքի:

ՕԼԵԳ ՈՌՅ

Միակ մարդը, ում հետ դուք պետք է ձեզ համեմատեք, դուք եք՝ անցյալում: Եվ միակ մարդը, ումից ավելի լավը պետք է լինեք, դուք եք՝ այսօր:

ՋԻԿՄՈՒՆԴ ՖՐՈՅԴ

Ընկեր չունենալը մեծ դժբախտություն չէ: Ավելի մեծ դժբախտություն է կեղծ եւ ծախված ընկերներ ունենալը:

Ս. ՍՈՒՐԱԴՅԱՆ

«Վրաստանի» ընթերցող

Նկնոծմիդա



ՀԱՅԱՍՏԱՆ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՌԵՅԿՅԱԿԻԿՈՒՄ ԿԱՅԱՑԱՎ ՅԱՅԱՍՏԱՆԻ ԵՎ ՎՐԱՍՏԱՆԻ ՎԱՐՉԱՊԵՏԵՐԻ ՅԱՆԴԻՊՈՒՄԸ

Իսլանդիայի մայրաքաղաք Ռեյկյավիկում մայիսի 16-17-ին անցկացված Եվրոպայի խորհրդի 4-րդ գագաթաժողովի շրջանակներում, Յայաստանի վարչապետ Նիկոլ Փաշինյանը հանդիպում ունեցավ Վրաստանի վարչապետ Իրակլի Դարիբաշվիլու հետ:

Յանդիպմանը Յայաստանի եւ Վրաստանի վարչապետերը քննարկեցին հայ-վրացական բազմոլորտ հարաբերությունների հետ տաճա գարգացման հեռանկարները, անդրադարձան տարածաշրջանային անվա-

տանգության հարցերին:

Ռեյկյավիկում, Եվրախորհրդի 4-րդ գագաթաժողովի շրջանակում, Յայաստանի վարչապետ Նիկոլ Փաշինյանը կարճատև հանդիպումներ ունեցավ նաեւ Ֆրանսիայի նախագահ Էմա-

նուել Մակրոնի, Գերմանիայի կանցլեր Օլաֆ Շոլցի, Լատվիայի նախագահ Էգիլս Լեիտսի հետ:

Յանդիպումներին քննարկվել են երկուստեք հետաքրքրություններ կայացնող հարցեր:



ՆԻԿՈԼ ՓԱՇԻՆՅԱՆ. «ՏԱՐԱԾՔԱՅԻՆ ԱՄԲՈՂՋԱԿԱՆՈՒԹՅԱՆ ԾԱՆԱԶՈՒՄԸ ԿԱՐԵՎՈՐ ՔԱՅԼ Է ԽԱՂԱՂՈՒԹՅԱՆ ՊԱՅՄԱՆԱԳՐԻ ՏԵՔՍՏԻ ՎԵՐՋՆԱԿԱՆԱՑՄԱՆ ԱՌՈՒՄՈՎ»



Յայաստանի վարչապետ Նիկոլ Փաշինյանը Յայաստանի եւ Ադրբեջանի՝ փոխադարձ տարածքային ամբողջականության ճանաչումը կարելու քայլ է համարում՝ տարածաշրջանում կայունության եւ խաղաղության հաստատման, Յայաստանի եւ Ադրբեջանի միջեւ հաղաղության պայմանագրի տեքստի վերջնականացման առումով:

Միայն 14-ի հանդիպմանը հետեւած հայտարարության մեջ, արձանագրեցին, որ Ադրբեջանը ճանաչում է Յայաստանի 29 հազար 800 քառ.կմ, իսկ Յայաստանը Ադրբեջանի 86 հազար 600 քառ.կմ տարածքային ամբողջականությունը:

Պետք է արձանագրեն, որ սա կարելու քայլ են համարում տարածաշրջանում կայունության եւ խաղաղության հաստատման համար, Յայաստանի եւ Ադրբեջանի միջեւ հաղաղության պայմանագրի տեքստի վերջնականացման եւ սահմանների դեֆինիտացիայի առումով նույնպես: Բայց, իհարկե, հաջորդ քայլը պետք է լինի սահմանազատման համար իրավական ուժ եւ նշանակություն

ունեցող կոնկրետ հիմքերի նույնականացումն ու համաձայնեցումը, - ասաց Նիկոլ Փաշինյանը:

Վարչապետն ուշադրություն դարձրեց այն հանգամանքին, որ եւս նախագահի հայտարարության մեջ ընդգծվել է ԼՂ-ի հայության եւ իրավունքների անվտանգության շուրջ Բաքվի եւ Ստեփանակերտի միջեւ երկխոսության կարելությունը՝ միջազգային հանրության հետ համագործակցված: Վարչապետը դա համարեց մի գործընթաց, որն էական է Ադրբեջանի հետ հարաբերությունների իրական եւ համապարփակ կարգավորման ու տարածաշրջանում երկարատև խաղաղության հաստատման համար:

ԵՌԱԿՈՐԱ ՅԱՆԴԻՊՈՒՄ ԲՐՅՈՒՄԵԼՈՒՄ ՀԱՅԱՍՏԱՆԻ ՈՒ ԱՊՐԵՅԱՆԸ ՃԱՆԱՇԵՅԻՆ ՄԻՍՅԱՆՑ ՏԱՐԱԾՔԱՅԻՆ ԱՄԲՈՂՋԱԿԱՆՈՒԹՅՈՒՆԸ

Մայիսի 15-ին Եվրախորհրդի նախագահ Շառլ Միշելը տեղեկատվություն տարածեց Ադրբեջանի եւ Յայաստանի ղեկավարների հետ հանդիպման մասին: Եվրամիության պաշտոնյայի խոսքով, Իլիամ Ալիևն ու Նիկոլ Փաշինյանը Յարավային Կովկասում խաղաղություն հաստատելու իրենց ընդհանուր ցանկությունն են հայտնել:

Շառլ Միշելի խոսքով, սահմանային խնդրի շուրջ եռակողմ հանդիպման ժամանակ, առաջնորդները պայմանավորվել են վերսկսել երկկողմ հանդիպումները սահմանային հարցերի շուրջ, եւ ղեկավարները վերահաստատել են իրենց աներկբա հավատարմությունը 1991թ. Ալմաթիի հռչակագրին ու Յայաստանի (29 800 կմ²) եւ Ադրբեջանի համապատասխան տարածքային ամբողջականությանը (86 600 կմ²): Շառլ Միշելի խոսքով, կապի առու-

մով կողմերը հստակ առաջընթաց են գրանցել տարածաշրջանում տրանսպորտային եւ տնտեսական կապերի բացման ուղղված քննարկումներում: Ըստ Միշելի, այս թեմայի շուրջ դիրքորոշումներն այժմ շատ մոտ են միմյանց, հատկապես Նախիջևանի տարածքով երկաթուղային կապերի բացման հարցում:

Շառլ Միշելը կոչ է արել Ադրբեջանին՝ ապահովել թափանցիկ եւ կառուցողական երկխոսություն Ղարաբաղում ապրող բնակչության հետ:



ՎԵՑ ՅԱԶԱՐԻՑ ԱՎԵԼԻ ԸՆՏԱՆԻՔ ՕԳՏՎՈՒՄ Է ԲՆԱԿԱՐԱՆԱՅԻՆ ԱԶԱԿՑՈՒԹՅԱՆ ԾՐԱԳՐԻՑ

Յայաստանի աշխատանքի եւ սոցիալական հարցերի նախարարությունը 2023 թվականի հուլիսի 1-ից իրականացնում է երեխա ունեցող ընտանիքների բնակարանային աջակցության ծրագիրը, որից մինչ այժմ օգտվել է 6 հազար 400 ընտանիք:

2023 թվականին արդեն ծրագրից օգտվել է 960 չափառու: Ծրագրի հիմնական նպատակն է երկրում ժողովրդագրական ցուցանիշների բարելավումը, ծնելիության խթանումը: Ծրագրի ներքո իրականացվում են 3 նպատակային առանձին ծրագրեր: Դրանցից երկուսը վերաբերում են այն ընտանիքներին, որոնք նոր են պատրաստվում ծնեք բերել անշարժ գույք կամ կառուցել անհատական բնակելի տուն: 3-րդ ծրագիրը

վերաբերում է այն ընտանիքներին, որոնք արդեն ունեն հիփոթեքային վարկ եւ ընտանիքում ծնվել է նոր երեխա:

Առաջին եւ երկրորդ ծրագրերի դեպքում, պետությունն աջակցում է նախ մարզային բնակավայրերում առնվազն երկու անգամահաս երեխա ունեցող ընտանիքներին գույք ձեռք բերելու կամ տուն կառուցելու հարցում: Առնվազն 2 երեխա ունեցողներին տրամադրվում է մինչեւ 1 մլն դրամ, 3 երեխա ունեցող-

ներին՝ մինչեւ 1,5 մլն դրամ, 4 եւ ավելի երեխա ունեցողներին՝ մինչեւ 2 մլն դրամի չափով: Գումարն ուղղվում է կանխավճարի ֆինանսավորմանը:

Յաջորդիվ, ծրագրի շրջանակում աջակցություն է տրամադրվում կանխավճարի տարեկան ապահովագրավճարի ֆինանսավորման համար:

Պետությունն աջակցություն է սահմանում նաեւ հիփոթեքային վարկ մարող ընտանիքներին, որոնք ունենում են նոր երեխա, անկախ երեխաների կարգաթվից: Առաջին եւ 2-րդ երեխայի դեպքում, աջակցության չափը կազմում է մինչեւ 500 հազար դրամ, 3-րդ եւ հաջորդ երեխայի դեպքում՝ մինչեւ 2 մլն դրամ:

ՀԱՅԱՍՏԱՆԻ ՕՐԱԿԱՐԳՈՒՄ ՀԱՊԿ-ԻՑ ԳՈՒՐՍ ՉԱՌՈՒ ՇԱՐՑ ԶԿԱ

Հայաստանի արտաքին գործերի փոխնախարար Մնացական Սաֆարյանը հայտարարեց, որ 2022 թվականի սեպտեմբերին Հայաստանի դեմ Ադրբեջանի ագրեսիայի համարեքսպում Հայաստանի անվտանգության խորհրդում քննարկվել է ՀԱՊԿ-ից դուրս գալու հարցը, սակայն որոշում է կայացվել չանել այդ քայլը: Փոխարտգործնախարարի խոսքով, իրավիճակը բարդ է, եւ Հայաստանը, լինելով ՀԱՊԿ-ի անդամ երկիր, նաեւ ունենալով պարտավորություններ, շարունակում է հույս ունենալ, որ իր քայլերն ու աշխատանքները կբերեն որոշակի արդյունքների:

ԽԱԶԶԱՐ՝ ՆԿԻՐՎԱՏ ՀՈՎԶԱՆԵՏՍ ԳՈՐԴՈՍ ԵՐԿՐՈՐԳ ՀՈՈՄԻ ՊԱՐԻՆ

Մայիսի 16-ին Երեւանի Փավստոս Բուզանդի փողոցի խաչքարերի պուրակում կայացավ հայ-լեհական դարավոր բարեկամությանը եւ Սուրբ Հովհաննես Պողոս Բ Պապին նվիրված խաչքարի բացման եւ օծման հանդիսավոր արարողությունը: Խաչքարի բացումը ի նշանավորումն է Հայաստանի կողմից քրիստոնեությունը որպես պետական կրոն ընդունելու 1700-ամյակին լեհ ժողովրդի մեծ զավակ, Հռոմի Սրբազան Բահանայապետ Հովհաննես Պողոս Բ Պապի Հայաստան պատմական այցի 20-ամյակի:

ՀԱՅԱՍՏԱՆԻ ԳՊՐՈՑՆԵՐՈՒՄ ՎԵՐԶԻՆ ԶԱՆԳԵՐ՝ ՄԱՅԻՍԻ 26-27-ԻՆ

Հայաստանում 2022-2023 ուսումնական տարում հիմնական դպրոցը կավարտի շուրջ 35 300 սովորող, իսկ 12-րդ դասարանը՝ 19 900 շրջանավարտ:

Հայաստանի կրթության, գիտության, մշակույթի եւ սպորտի փոխնախարար Արաքսյա Սվաքյանի խոսքով, ուսումնական պլանով վերջին դասը կանցկացվի մայիսի 26-ին՝ հինգօրյա աշխատանքային ռեժիմի, եւ մայիսի 27-ին՝ վեցօրյա աշխատանքային ռեժիմի դեպքում:

- 2023-2024 ուստարում 1-ին դասարան է հաճախելու շուրջ 39 500 սովորող: Հունիսի 12-ից հայտագրումը բաց կլինի բոլոր այն քաղաքացիների համար, որոնք ունեն որոշակի առավելություններ, հունիսի 27-ից հայտագրումը կիրականացվի ընդհանուր հիմունքներով հայերենով ուսուցում իրականացնող դպրոցների, իսկ հուլիսի 4-ից՝ օտարերկրյա քաղաքացիների, երկքաղաքացիների, քաղաքացիություն չունեցող անչանց, ազգային փոքրամասնությունների համար, - ասաց Արաքսյա Սվաքյան: Փոխնախարարն ընդգծեց, որ 2023-2024 ուստարում Հայաստանում կներդրվի հանրակրթության պետական նոր չափորոշիչ բոլոր դպրոցների 2-րդ, 5-րդ, 7-րդ եւ 10-րդ դասարաններում: Մեկնարկել է դասագրքերի ստեղծման մրցութային գործընթացը:

ՀԱՅԱՍՏԱՆՈՒՄ ԲԱԿԱՆՈՐԵՆ ԱՎԵԼԱՅԵԼ ԵՆ ՇԵՆՈՒՆԵՐԵՐԸ

Հայաստանում էականորեն աճել է ընտանիքում ծնվող երրորդ եւ հաջորդ երեխաների թիվը, բացի այդ, այս տարվա առաջին եռամսյակում ծնունդների թիվը ավելի է եղել 658-ով:

2018 եւ 2021 թվականների ցուցանիշների համեմատությունը ցույց է տալիս, որ 4 տարիների ընթացքում ծնված երեխաների ընդհանուր թվի մեջ երրորդ եւ հաջորդ երեխաների թիվն աճել է շուրջ 30 տոկոսով: Եթե 2018-ին ծնվել էր թվով 3 եւ բարձր 8 271 երեխա, ապա 2021-ին երրորդ եւ հաջորդ ծնված երեխաների թիվը կազմել է 11 438:

Նախորդ տարվա առաջին եռամսյակի համեմատ, այն ավելի է 658-ով: Նաեւ էական նվազում կա մահերի ցուցանիշում, նախորդ տարվա առաջին եռամսյակի համեմատ, պակաս է 20 տոկոսով:

ՎԱՐՂԱՏՈՆ - 109

ՄԱՅԻՍԻ 28-ԻՆ ԹԲԻԼԻՍԻՆ ԿՏՈՒԻ ՄԱՅԱԹՆՈՎՅԱՆ ՎԱՐՂԱՏՈՆԸ



Այդ օրը, ժամը 11:00-ին Թբիլիսիի առաջ-նորդանիստ Սուրբ Գեորգ եկեղեցում կմատուց-վի համճարեղ Սայաթ-Նովային (1722-1795) նվիրված Վարդատոնի տոնական պատարագ:

Հավարտ պատարագի, տեղի կունենա հո-գեհանգստյան կարգ եւ ծաղիկների խոնար-հուն՝ եկեղեցու գավթում հանգչող աշուղ-բա-նաստեղծի շիրմի մոտ:

Արարողությանը կհաջորդի եկեղեցու բակում կազմակերպվող համերգը Վիրահայոց թեմի «Հայարտուն» կրթամշակութային կենտ-րոնի ստեղծագործական խմբերի մասնակցությամբ:

Ինչպես հայտնում է Վարդատոնի կազմակերպիչներից «Վրա-ցահայերի միությունը», Վարդատոնի համերգային ծրագիրը տեղի կունենա Գորգասալու հրապարակում, ժամը՝ 17:00-ին: Միջոցառ-մանն իրենց մասնակցությունն են ունենալու Հայաստանից ժամա-նող «Սայաթ-Նովա» աշուղական երգի վաստակավոր համույթը, Երեւանի պետական համալսարանի Շ.Ազնավուրի անվան մշակու-թային կենտրոնի սաները, ինչպես նաեւ տեղի պարային համույթ-ներն ու մեներգիչները:

ՄՊՈՐՏ

ՎՐԱՍՏԱՆՑԻ ՍԵՐԱԿ ՎԱՐՈՒՄԵՏՅԱՆԸ՝ ԿՈՒՊՅՈՒՆ ԱՇԽԱՐՀԻ ԶԵՄՊԻՈՆ

Վրաստանի պատմության մեջ առաջին անգամ Վրաստա-նի ներկայացուցիչ մարզիկնե-րը ոսկե մեդալներ են նվաճել Կուպյոնի աշխարհի առաջնույթու-նում: Աշխարհի չեմպիոնի կո-չումը նվաճեցին Սեդրակ Կա-րապետյանը (19 տարեկաննե-րի մրցաշարում) եւ Սաբա Մա-քացարիան (16 տարեկանների մրցաշարում):



Սեդրակ Կարապետյան

16 տարեկանների մրցաշարի արծաթե մեդալակիր-ներ դարձան Նիկո Բերախան եւ Սարի Նանավան, իսկ 16-ամյա Ռատի Շուրդախան եւ 13-ամյա Դմիտրի Բերա-խան արծաճանցան բրոնզե մեդալների:

ՎՐԱՍՏԱՆԻ ԶՅՈՒՊՅՈՒՆԻ ՀԱՎԱՔԱԿԱՆԸ՝ ԱՇԽԱՐՀԻ ԲՐՈՆԶԵ ՍԵՐԱԿԱԿԻՐ

Քաթարի մայրաքաղաք Դոհայում ընթացող աշխար-

հի առաջնությունում խառը թիմային մրցաշարում Վրաս-տանի հավաքականն իր ելույթներն ավարտեց նվաճե-լով բրոնզե մեդալ եւ արտոնագիր 2024 թվականին Փա-րիզում կայանալիք Օլիմպիական խաղերի համար:

Բրոնզե մեդալի համար պայքարում վրացի ծյուղոյ-խստները 4:2 հաշվով հաղթեցին Գերմանիայի հավաքա-կանին: Վրացի ծյուղոյխստներ Լաշա Շավդատուաշվի-լին (73 կգ), Լաշա Բեքաուրին (90 կգ), Գուրամ Թուշիշ-վիլին (+90 կգ) եւ Էթեր Լիպարտելիանին (57 կգ) հաղ-թանակով ավարտեցին հանդիպումները:

ՎՐԱՑ ՍՈՒՍԵՐԱՍՄԱՐՏԻԿ ՍԱՆՂՐՈՒ ԲԱԶՄԱՆԸ՝ ԱՇԽԱՐՀԻ ԳԱՎԱԹԻ ՀԱՂԹՈՂ

Վրացի սուսերամարտիկ Սանդրո Բազաձեն տասնմեկե-րորդ անգամ անընդմեջ դար-ձավ Մադրիդի աշխարհի գա-վաթի հաղթող: Նա համոզիչ կերպով հաղթեց բոլոր մրցա-կիցներին:



Սանդրո Բազաձեն 2022 թվա-կանի Մադրիդի աշխարհի առաջ-

նությունից հետո, 11-րդ անընդմեջ մրցաշարը եզրափա-կում է լավագույն եռյակը:

ՎԱՐՂԱՆ ՄԻՆԱՍՅԱՆԸ ԹՈՂԵՑ «ԹԵԼԱՎԻ» ԹԻՄԻ ՍԱՐՁՉԻ ՊԱՇՏՈՆԸ

Հայաստանի ֆուտբոլի ազ-գային թիմի նախկին գլխա-վոր մարզիչ Վարդան Մինաս-յանը հեռացել է վրացական «Թելավի»-ի գլխավոր մարզ-չի պաշտոնից:

Վարդան Մինասյանն ու ակումբը երկկողմանի համա-ձայնությամբ խզել են պայ-մանագիրը: Վարդան Մինաս-յանի հետ վրացական ակումբ-ից հեռացել են նաեւ Արտակ Օսեյանն ու Արթուր Մկրտչյանը, ովքեր եւս ակումբում էին ընթացիկ տար-վա մարտից:

Մինասյանի գլխավորությամբ, «Թելավի»-ն 7 հա-նդիպում է անցկացրել, որից 5-ում պարտվել է, 2 խաղ ավարտվել է ոչ-ոքի հաշվով:



1		2		3		4	5		6		7		8
						9							
10						11	12		13			14	
				15							16		
									17				
18	19				20								
	21		22									23	
					24		25		26	27	28		29
30								31	32				
					33		34			35			
36								37					
			38								39		
40	41						42			43			
44			45	46			47					48	
49				50						51			
52						53			54				
			55							56			
57						58							

Խ Ա Չ Բ Ա Ռ

ՀՈՐԻԶՈՆԱԿԱՆ. 1.Ռուս մեծ բանաստեղծ Ա.Ա.Պուշ-կինի բանաստեղծություններից: 4.Հայ բարերար, մեկենաս, նավթարդյունաբերության իսկա: 10.Վե-ցերորդ ծայնամիշը: 11.Հ.Շիրազի քանդակագործ որդին: 13.Չեյնեյ եւ ...: 15.Ապրենք, ապրենք, ...: 16.Քաջ, անվախ: 17.Տան դիմացի մասը: 18.«Կուժն առա, ... սարը» (Կոմիտաս): 20.«Հայր մեր, ... արքայություն քո» («Տերունական աղոթքից»): 21.Մահճակալի գլ-խավերելի մասը: 24.Վանական դպրոցի աշակերտ: 26.Պիեսի տեսակ: 30.Չոր, ոչ անձրեւոտ եղանակ: 32.Առարկայի հատկանիշ: 34.Իբրեւ, կարծես թե: 35.«Ես ... դուրս գամ դեպ հրապարակ» (Մ.Նալբանդ-յան): 36.Փոքրիկ տուն: 37.Իգական անուն: 38.Լիճ Արեւմտյան Հայաստանում: 39.Ժխտական նախա-ծանց: 40.Քաղաք Գերմանիայում: 42.Ոչ տաք, սա-ռը եղանակ: 44.Անշունչ առարկա: 45.Ծաղկի ար-վեստ: 49.Բուսական յուղ: 50.Հարցական դերանուն: 51.Եկեղ..., խ..., բռն...: 52.Օժանդակ բայ: 53.Անձնա-կան դերանուն: 55.Հայ գրող Նարինե Աբգարյանի վեպը: 56.Գանայի մայրաքաղաքը: 57.Գրիգոր Նա-րեկացու «Մատյան ողբերգությունը» հայերիս հա-

մար: 58.Հայոց անհաղթ, Մեծ թագավորը: **ՈՒՂԱՆԱՅԱՑ.** 1.Վրաց նախկին ֆուտբոլիստ: 2.Վրացիների հայրենիքը: 3.Հոկտեմբերյան քա-ղաքն այժմ: 5.«Ինչո՞ւ է աղմկում ֆիլմի գլխավոր հերոս Ղանբարյանի անունը: 6.Հովի.Թունմայա-նի «...ի առումը» պոեմը: 7.Հայաստանի մարզե-րից: 8.«Միմինո» ֆիլմում Վ.Կիկաքիձեի մարմնա-վորած հերոսը: 9.Աֆրիկյան երկիր: 12.Մաշտոցի այբուբենի զինվորներից: 14.Հոգնակիակերտ մաս-նիկ: 19.Ուսանողի դասարանը: 22.Հայոց թագա-վորական տոհմ: 23.Իշխանական տոհմ Հին Հա-յաստանում: 25.Իգական անուն: 27.Վաթսուն վայրկ-յան: 28.Ա.Պուշկինի անգլագական դայակը: 29.Թոն-րի կրակխառնիչ: 31.«Հասկը հանդում հասել է, ...ն էլ տեսել է» (բանաստեղծություն): 33.Քաղաք ՌԴ-ում: 35.Վրաց մեծ բանաստեղծ: 41.Միանիշ թիվ: 43.Վրաց բանաստեղծ Տաթևիձեի անունը: 46.Մար-դու ոտնաման: 47.Հայկական զինիներից: 48.Դե-միոյանի կատակերգության հերոս: 53.Ետադաս կապ: 54.Մաշկի հիվանդություն:

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱԶԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 7.Աղվերան: 9.Մոմել: 10.Խոջա: 11.Ինսբրուք: 13.Հոգուտ: 16.Գիր: 17.Մաս: 19.Փա-խուն: 22.Պրադո: 24.Սիկոկո: 25.Արժե: 27.Թոցնել: 29.Գիգանտ: 32.Ատակամա: 33.Ալմաստ: 35.Նարտ: 37.Սաղ: 39.Վանգա: 40.Գլեք: 43.Կին: 44.Փաշա: 47.Ադա: 49.Ջախար: 50.Ջտիչ: 53.Նիկո: 54.Ուռի: 55.Հատու: 57.Ռոն: 58.Ստիմուլ:

ՈՒՂԱՆԱՅԱՑ. 1.Եղունգ: 2.Տեմբր: 3.Բախում: 4.Ցմահ: 5.Սնոգ: 6.Ելոտ: 8.Նոքար: 12.Սիկա: 14.Օմակ: 15.Ուրուկ: 18.Մորե: 19.Փիսիկ: 20.Խորամանկ: 21.Մունտ: 23.Դանդաղ: 26.ժլատ: 28.Ռելս: 29.Գաջ: 30.Գանա: 31.Նարգիզ: 34.Մարշալ: 36.Տան: 38.Ռեդ: 41.Լարուն: 42.Բագիս: 45.Ազիզ: 46.Ախոռ: 48.Գի-հի: 51.Չամ: 52.Փուլ: 56.Տու:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՐՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԵԾՈԼՈՆՈ 0105, ՃԱՄՐԵՅՈԼՈՆ ՄՅՅԱ 5,
Մեր հասցեն՝ Թբիլիսի 0105 Գ.Աթոնելի փ. 5
ԾՅՅՐ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՐԱՆԾԱՅՈ»
ՄԵԾՈԼՈՆՈ, ՆԱՅՅԵՄՅԵՄՈ
"ВРАСТАН"
Тбилиси, Грузия
<VRASTAN>
Georgia, Tbilisi
Индекс 66445